


# KA HISTORI KA RI HYNNIEWTRED (KHASI LAND)

Da U Dr. I. NONGBRI



895.93  
N.73.H

KA KTIEN LAMKHMAT LA AI

DA U

CHIEF EXECUTIVE MEMBER KHASI HILLS  
AUTONOMOUS DISTRICT COUNCIL  
BAH G. S. MASSAR M. L. A., M. D.C.

# JINGKDEW

Lynnong :—

- I) KTIEN LAMPHRANG
- II) Ka Ri had Jaidbyariew Hynniewtrep.
- III) Ka Ri Hynniewtrep Shwa Ka Jingwan Ki Phareng.
- IV) Ka Ri Hynniewtrep Ha Ka Por Ki Phareng.
- V) Ka Ri Hynniewtrep Khyndiat Por Shwa Ban Ai Laitluid Ia Ka India.
  - (a) Khasi Jaintia Federated States National Conference. (1945)
  - (b) Khasi Independent Political Party. (1945)
  - (c) Federation Of Khasi States Bad Ka Khasi National Durbar. (1933 & 1946)
- VI) Ka Ri Hynniewtrep Naduh 15-8-1947 Haduh 25-1-1950 (Ka Interim Period)
  - (a) Federal Court Jong Ka Federation of Khasi States (June 1948)
  - (b) Khasi States People Union (1948)
  - (c) Khasi States Constitution Making Durbar (April 1949)
  - (d) Ka Constituent Assembly of India Bad Ka Bordoloi Sub-Committee.

(ii)

- (e) Fifth & Sixth Schedule Jong Ka Constitution of India (Article 244)
  - (f) Ka Hima Nongstoiñ Bad U Wickliffe Syiem (Deputy Syiem of Nongstoiñ).
- VII) Ka Ri Hynniewtrep Naduh Ka Republic Day Ba Nyngkong (26-1-1950) Haduh Ka General Election 1952
- (a) Ka Advisory Council Jong U Governor of Assam Ia Ka United Khasi And Jaiñtia Hills Autonomous District.
  - (b) Ka Jingdkhat Ia Ka Block I & II Na Ka United Khasi And Jaiñtia Hills Autonomous Area.
  - (c) Ka General Election 1952
    - (i) Parliamentary
    - (ii) Legislative Assembly
    - (iii) District Council
  - (d) Ki daw Jingshahrem Jong Ka Federation of Khasi States.
  - (e) Ka Sixth Schedule Jong Ka Constitution of India Kumba Ka Long.
- VIII) Ki Dulir Ha Ka Ktien Phareng.
-

# KTIEN LAMPHRANG

Ka jingpynneh ia kane ka kot ka long tang ka jingpyrshang kaba rit ban buh ha ka dur ka jingthoh ia kiei kiei ki jingjia ha ka liang ka sain hima sima jong ka jaidbynriew, ka jaidbynriew Hynniewtrep ka la long ka jaidbynriew ba laitluid, hynrei shipor ka la shah synshar ha ka Sorkar Bilat bad mynta ka la iasnoh bad ka ri India ba laitluid.

Mynba ka jaidbynriew khasi ka dang laitluid ka ieng kum ka jaidbynriew ne kum ka ri ba kyrpang hapoh kane ka sla pyrthei ne kum ka KHASI NATION; mynta ba la hap hapoh ka ri India, ka jaidbynriew Khasi ka la hap hapoh ka Indian Nation bad dei ha kine ki por ba mynta ba ngi iohi ia ki katto katne ki jingpyrshang jong ka jaidbynriew ban pynneh pynsah ia ka jinglong kyrpang jong ka, wat la ym dei shuh kum ka Nation ba kyrpang hynrei kum kawei na ki Sub-nationality ba kyrpang jong ka ri India.

Katba ki por ki nangiaid, ki jingkylla ki wan ha ka jaidbynriew, na ka daw ka jingkylla ka sain pyrthei, ka jingnang roi ka jingtip, ka jingstad, ka jingsted ka leit ka wan. Kine ki la pynlong ba ngin sngew ba ka ri Hynniewtrep ka la nangrit wat la ha ka jingshishe ka sah hi kumjuh bad ka la wallam ruh ia ka jingsheptieng ioh ngi duh ia ka jinglongtraï halor kine ki lum Khasi Jaintia namar ka jingiakhleh than bad kiwei ki jaidbynriew ba pher ka ri India bakhrav bad ba iar. Kumta ka la pynlong ia ka jingialeh ka bakhrav ha kine ki sngi ban pynneh pynsah ia ka jinglongtraï bad ban kyntiew ia ka imlang sahlang, ym jong ka district ne jylla, hynrei jong ka jaidbynriew Hynniewtrep bad ia la ka ktien ka thylleij, ka jaka ka puta, ki riti bad dustur.

Ka jaidbynriew Hynniewtrep ka don barabor hapdeng ka jingialeh bad jingiakhieh paidbah Katto katne snem mynshuwa, ha ki snem 1960 ter ter ngi la iohi

ia ki jingiakhiih paidbah ban dawa ia ka Hill State, ban lait na ka jingshah synshar ha ki heh paid ka Jylla Assam. Ngi la ioh ia ka State kaba don ryngkat bad ki Garo, da ka jingkyrmen ba kane ka State kan wallam ka jingiada ba kyrpang bad ba ka jaidbynrrew kan kiew shaphrang. Hynrei ki dak ki shin kim pyapaw ia ka jingkyrmen namar tang ha u snem 1979, ngi la iohi ha ki Head lines jong ki National Newspaper. ia ka jinviakhiih paidbah pyrshah ia ka jingwantuid (influx) kyrthep ki mynder (Foreign Nationals) na Bangladesh, hapoh ka jingialam jong ki samla pule. Nangta ha u 1987, ngi la iohi biang ia ka jingiakhiih paidbah ha ka jingialam ki samla pule pyrshah ia ki mynder (Foreign Nationals) na Nepal.

Kaba phylla ka long katba ka jingiakhiih paidbah jong u snem 1979 bad 1987 ka la long pyrshah ia ki "Mynder" hynrei ha u snem 1989 pat ka la long pyrshah ia ki "bar jylla" kiba long ki para Nong India. Ki samla pule lem bad ka jingkyrshan ba shirhem ki paidbah ki la pyrshah, halor kano kano ka jingthmu ban wallam ia ka "Steshon Rel" ha ka shnong Byrni, kaba don harud ka Wah Umtrew jong ka Ri Bhoi Sub-Division, namar ka jingsheptieng ia ka jingwan tuid kyrthep (Influx) ki bar jylla na kylleng ka ri India. Shuh shuh ha u snem 1990 pat ka la don ka jingiakhiih pyrshah ia ka khaii be ain da ki bar jylla hapoh Iewduh, kaba long ka Iew kaba heh tam ha ka Jylla Meghalaya. Ki paidbah Nongiakhiih ki kwah ban pynjari ia ka Ain ba la pynkhamti da ka Riti Synshar ne Constitution ka ri India halor ki Nongkhaii bar jylla shuwa ba kin ioh ban khaii pateng hapoh Iewduh.

Kumta lyngba ki por, ki samoi, ngi iohi ia ka jingkyrriah (shifting) ki daw jingiakhiih paidbah, na ka jingiakhiih pyrshah Mynder, sha ka jingiakhiih pyrshah bar ylla bad sha ka jingiakhiih pyrshah ia ki nongkhaii be-ain. Hynrei ka daw tynrai hi, ka tong ka jingsheptieng ioh shah tyllep ne shah klun (engulf) ha kiwei pat ki jaidbynrrew heh paid ka ri India bad pyrthei.

Lyngba kane ka kot ngin ia khmih shwa ia ka histori ka ri bad ka jaidbynriew namar ban sngewthuh ia ki jingjia ba mynta ngi hap ban tip shuwa ia ka mynshwa (Mynnor) bad ba kumno ba ka ri Hynniewtrep ka la hap ban iasoh bad ka ri India balaitluid. Da kaba ngi tip bniah ia la ka Histori ngin sngewthuh ym taog ia ka jingkhlain bor hynrei ia ka jingtlot de bad ia ki jingeh kiba ka jaidbynriew ka la ia kynduh na ka por sha ka por. Dei yada haba la sngewthuh ia la ka bor, ba lah ban leh ei ei kat kum la ka bor, namar ba ym dei ban shaniah ha ka bor bad jingisynei jong kiwei ha ka kam sain hima sima bad pyniaid pyrthei.

Kine ki jingtip la ioh na ki tyllong kiba bun kum na ki jingiathuh pateng ki Riew Rangbah, ki kot ki sla na ki ophis ki Hima Khasi bad na ki Library paper na jylla Meghalaya bad shabar jylla ruh kumjuh.

Ka bynta baba nyngkong jong kane ka kot, kan long shwa tang haduh u snem 1952, kumno ba ka jaidbynriew bad ka ri Hynniewtrep ka la wan ban iasoh bad ka ri India bad hap hapoh ka Six Schedule jong ka Constitution of India. Nga kyrmen kanc ka kot kan ai jingshai ia ki para ri, khnang ba kano kano ka jingialeh kan long kaba wallam ia ka jingjop bad jingkyrkhu ia ka jaidbynriew.